

BH(VARSITI) 26 MAC m/s 18/19

Teroka keunikan Mexico



Oleh Mimi Rabita
Abdul Wahit
bhvarsiti@bh.com.my

Mexico

Seramai 20 pelajar Malaysia menimba pengalaman belajar dan meneroka peninggalan sejarah, di sini, bersempena dengan Program Mobiliti Antarabangsa Malaysia-Mexico (MPMEX) yang julung kali diadakan baru-baru ini.

Bersempena dengan program tiga minggu itu, peserta ditempatkan di institusi pengajian tinggi terpilih mengikut jurusan masing-masing.

Peserta yang mengikuti jurusan kejuruteraan ditempatkan di Technológico De Estudios Superiores De Jocotitlan (TESJO), pelajar Sains Sosial di Universidad Intercultural Estado De Mexico (UIEM) sementara mahasiswa yang mengambil jurusan gastronomi dan perniagaan antarabangsa pula menimba pengalaman di Universidad Autonoma Estado De Mexico (UAEM).

Mereka turut berkunjung ke destinasi pelancongan menarik sekitar Mexico yang kaya dengan hasil peninggalan sejarah lampau serta tapak arkeologi bernilai tinggi.

Profil universiti

Pelajar Fakulti Kejuruteraan Awam dan Sumber Alam Universiti Malaysia Pahang (UMP), Muhammad Aizat Azed, berkata antara pengalaman bermakna apabila bertemu dengan Rektor TESJO, Jose Luis Guillermo Gonzalez Rodriguez yang memberi penjelasan terperinci mengenai profil universiti itu



Merasai keenakan **makanan tradisi** masyarakat Mexico.



Mencuba **permainan tradisi, Pinata** yang terkenal di Mexico.

serta program pengajian yang ditawarkan.

Nurul Nabilah Mazlan, 22, turut menghargai pendedahan mengenai keunikan budaya dan tradisi masyarakat Mexico.

"Minggu pertama di Mexico dipenuhi dengan aktiviti kebudayaan dan kesenian bersama-sama masyarakat setempat bagi meningkatkan pemahaman mengenai gaya hidup mereka.

"Kami dapat merasai juadah tempatan, mencuba pakaian tradisional serta mempelajari pelbagai jenis tarian tradisi mereka," katanya.

Peserta daripada Universiti Sains Malaysia (USM), Nurul Nabilah Mazlan, 22, turut menghargai pendedahan mengenai keunikan budaya dan tradisi masyarakat Mexico.

"Kami turut berkunjung ke Teotihuacan yang menjadi tumpuan kerana terdapat peninggalan dua piramid terbesar tinggalan kaum Mayan beribru tahun dahulu.

"Selain itu, kami berpeluang mendaki Valle De Bravo, berkunjung ke Pusat Kebudayaan Mexico di Malinalco, menyaksikan keindahan Pekan Metepec serta melakukan aktiviti lasak dan santai di La Marquesa," katanya.

MPMEX julung kali dianjurkan oleh Universiti Kebangsaan Malaysia (UKM) dengan kerjasama Kedutaan Besar Malaysia-Mexico serta sokongan Kementerian Pendidikan Malaysia dan Mexico.

Program disertai pelajar daripada sembilan universiti iaitu UKM, Universiti Tenaga Nasional, Universiti Malaysia Sabah, UMP, USM, Universiti Teknikal Malaysia Melaka, Universiti Malaysia Kelantan, Universiti Putra Malaysia dan Universiti Sains Islam Malaysia.



Peserta MPMEX ketika berkunjung ke piramid terbesar tinggalan kaum Mayan di Teotihuacan.